



Bente Haug, Mathis N. Eira, Raymond Robertsen, John Erik Pedersen, Marit Kirsten Antio Gaup ja Máret Áhletta Guhttor leat addán ruoná čuovgga álggahit 5-kilomehteravádaga gulaskuddama. Govva: Eirik Palm

5-kilomehteravádat gulaskuddamii

Buot berošteaddjit sáhttet buktit cealkámuša gulaskuddamii go FeFo sádde evttohusa álggahit 5-kilomehteravádaga Finnmarkkus ođđasit gulaskuddamii.

FeFo-stivra attii juovlamánus direktievrii fápmudusa hábmet gulaskuddanevttohusa mii válddahallá 5-kilomehteravádaga ođđasit álggaheami. Sivvan leat oainnut/mearkkašumit maid Finnmarkku ássit leat buktán, geat háliidit ahte FeFo galgá árvoštallat álggahit njuolggadusa, mii loahpahuuvui 20026:s, ođđasit. Duogáš oainnuide lea, nugo FeFo dulko, sávaldat sihkkarastit ahte báikkálaš olbmot eai árahala eret iežaset árbevirolaš guollebivdinsajiin.

Bearjadaga miedai stivra čadahit viiddis gulaskuddama, masa buohkat sáhttet buktit gulaskuddancealkámuša.



Gulaskuddama áigemearri lea miessemánu 1. beaivvi.

Dasa lassin bivdit maiddái Justisa- ja gearggusvuodadepartemeantta (Justis- og beredskapsdepartementet) buktit sierra cealkámuša leago FeFo:s láhkavuodđu álggahit dakkár avádaga Finnmarkkuopmodahkii.

5-kilomehteravádat ráddje olgoriikkalaččaid sáivaguollebivddu Finnmarkkuopmodagas avádahkii mii lea vihtta kilomehtera eret eurohpáluottas, riikkuohtas dahje fylkkuohtas. Jus lea guhkit gaska go vihtta kilomehtera ii leat olgoriikkalaččain lohpi bivdit guliid, jus ii leat sierralohpi.

Dat nu gohčoduvvon 5-kilomehteravádat láguhuvvui Finnmarkkus 1970-logus, dalle mudden dihte meahci mohtorjohtolága. Turisttaid mohtorjohtolat muddejuvvui dattetge go ođđa mohtorjohtoláha bođii 1977:s. Dattetge bisuhuvvui ortnet dassáži go Finnmarkkuláhka bođii fápmui 2006:s.

FeFo bivdá dál oainnuid/mearkkašumiid čuovvovažžii:

«FeFo álggaha dál 5-kilomehteravádaga olgoriikkalaččaid guollebivdui nugo lei geavahusas ovdal go heaittihuvvui 2006.s, gč. mieldebiddjon kártta. Olgoriikkalaččaiguin oaivvilduvvo olbmot geat ássat olggobealde Norgga. Olgoriikkalaččat besset bivdit guliid dušše siskkoabealde 5-kilomehteravádaga eret lagamus eurohpáluottas, riikkuohtas dahje Fylkkuohtas Finnmarkkuopmodagas, muhto lea vejolaš ohcat sierralobi.»

KONTAKTPERSON / GULAHALLANOLMMOŠ:

Raymond Robertsen, stivrajođiheadji, tlf. 908 37 137

Eirik Palm, kommunikašuvnna ja servodatoktavuođa jođiheadji, tlf. 976 19 594

Čuovo FeFo

